

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

CLXXXVI.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

curastis. Qui ista veritatis perspicuitate erudiri non vult, eum oportet omnino traditum esse in sensum reprobum. Dominus concedat nobis tranquillitatem cum sacrosanctæ veritatis restitutione. Hæc ad r. Excell. data occasione inter occupationes multas raptim effudi. Bene in Christo vale, cum toto reverendo ministerio vestro, cui etiam reverenter salutem adscribo. Datum Islebii, Dominica Jubilate, Anno 1575.

F. Excell. observans

Hier. Mencilus.

CLXXXVI.

S Literas tuas, quæ postridie Palmarum apud te exierunt, decimo sexto Calendarum Maji, Tubingæ demum accepi. His perlectis cum juxta te Reverendum Parentem T. ob intercebras alicujus momenti literas, quas apud nos suppressas esse opinaris, meam expetere operam, intelligerem, posthabitis aliis, diligenter apud omnes & singulos, quibus cum illius gentis hominibus aliquid commercii intercedere existimabam, inquisivi, diversoria publica perlustravi, Janitores & portarum custodes, compellavi, sed res ita cecidit, ut quamvis totus in id incubuerim, depræhendere tamen nihil potuerim. Accepi ipse nuper admodum, paucorum dierum intervallo, epistolas duas, à quodam meo olim Collega, qui nunc in ipsa Ducatus Styriæ Metropoli Evangelion docet, ad me perscriptas; Sed in illis nec fratris nec literarum ad nos missarum, nullam ne verbulo quidem mentionem fecit. Quod me movet, ut tabellionum, quorum magna est levitas, perfidia potius interversas esse credam, quam quod apud nos alicubi latitare existimem. Idque eo magis, quod tu ipse, cui id planè persuasum esse video, nec loci qualitatem nec personæ habitum, ubi vel apud quem sint depositæ, nulla vel minima notatione delineare possis. Idem sane utriusque nostrum, ei quem modo nominavi, Collegæ meo & mihi accidit, cum ille Veteratoris ejusdam malitia, pecuniæ, cujus summa non erat exigua, jacturam fecerit: Ego verò Chartarum seu librorum, quorum ibi non ea, quæ apud nos, est copia, discrimen aliquanto levius adierim. Ad me quod attinet, ita, mihi crede, sum affectus, ut Reverendo Parenti T. cui ob eandem, sinceritatem & purioris doctrinæ propagandæ, indefessum studium, plurimum tribuo, & tibi, quem ob eruditionem & ingenii suavitatem, colo & diligo, me & omnia mea pro viribus deferam: Idque oblata quavis occasione, re ipsa demonstrare paratus. De Scholæ vestræ dissidio nihil mihi constat, sed nec adolescentem, qui me, ut ais, plenius instrueret, videre contigit. In-

Ttt 3

terim

terim tamen hæc distractio plurimum mihi dolet, cum ob impotentem adversariorum, imprimis Cinglianorum, rabiem, constanti animorum consensu opus esse videam. DEUS nostri misereatur, & inflatis Ecclesiæ vulneribus per & propter filium mediatorem, clementer medeat. Reverendis Viris, Parenti T. & Domino Flinnero, Veterano primarii templi Pastori, salutem meo nomine, quam plurimam, dicito. Rogo si per occupationes licebit, de rerum V. statu, & si quæ nova ex Galliis & Belgico circumferentur, rescribas. Esflinga 5. Calend. Maji, anno 1575.

Christophorus Hermannus, D.



CLXXXVII

Salutem in Christo Jesu. Reverende & Clarissime Viri, Domine & frater honorande.

EXcusationem diuturnioris silentii mei, quod acceperis, tibi gratias ago, & mihi vehementer gratulor. Etsi enim animus, (quod Dominus ^{non} novit) nunquam erga te mutatus est, intelligo tamen, te non sine causa mecum expostulare potuisse. Sed memor illius: summum jus summa injuria, recte judicasti, cum Amico SYNCERO & CANDIDO, non pugnandum, qui de suo animo testificatur. Quod ad statum Ecclesiæ & Scholæ attinet, de quo scribis, DEO æterno patri D. nostri Jesu Christi immortales gratias ago, qui Ecclesiam suam benigne & clementer respicit. Non enim Zwinglianorum candori hoc tribuo, quod erga te & tuos paulo benigniores esse videntur, sed Zwingliano Spiritui, qui malitiæ suæ causæ diffusus, eo, quo fortuna, inclinat. Male cecidit Cracovio, Peucero & Sociis horum nebulonum apud Electorem Saxonæ. Eundem eventum enim ipsi metuunt in sua causa, animum mutasse videntur. Sed scias, hæc omnia secundum Zwinglianum Spiritum mendacissimum intelligenda & interpretanda esse. Nihil etiam illis fidas, quia sunt ex mendaciis compositi. Idem faciunt illorum socii in aliis quoque locis, qui tamdiu filere possunt, donec sese melior aura offerat, qua suam impietatem prodant. De Tygurinis & meo Bullingero quod scripsi, perficiam Domino volente, ut omnes pii intelligant mihi DEI, non meum honorem curæ esse. Quod enim ad meam personam attinet, bin ich ein gescholmer vernichter Mann / das schier kein Apologia mehr helfen wird. Verhoff aber / fromme Hersen und Widerleuth kennen mich / von den Schelmen wil ich nicht gelobt / sondern gescholten seyn / das halt ich für ein Ehr. Ex eorum numero